

BOSNA I HERCEGOVINA
Federacija Bosne i Hercegovine
Tuzlanski kanton
GRAD GRAČANICA
GRADSKO VIJEĆE

Broj predmeta:

Broj akta:

Gračanica, godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 5. stava 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona („Službene novine Tuzlanskog kantona“, broj: 11/19), člana 12. Odluke o utvrđivanju standarda i kriterija za imenovanja na upražnjene pozicije u reguliranim tijelima („Službeni glasnik Općine Gračanica“, broj: 9/09 i 2/12) i člana 16. Statuta Grada Gračanica („Službeni glasnik Grada Gračanica“, broj: 1/23) Gradsko vijeće Gračanica, na sjednici održanoj :godine, d o n o s i

ODLUKU

o utvrđivanju prijedloga kandidata za člana Nadzornog odbora
Javnog preduzeća „Vodovod i kanalizacija“ d.o.o. Gračanica

I

Utvrđuju se prijedlog kandidata za člana Nadzornog odbora Javnog preduzeća „Vodovod i kanalizacija“ d.o.o. Gračanica iz reda državnog kapitala Ajdina Topčagića, bakalaureata/bachelora prava iz Gračanice.

II

U skladu s članom 1. Ove Odluke Skupština Javnog preduzeća „Vodovod i kanalizacija“ d.o.o. Gračanica će svojom odlukom imenovati člana Nadzornog odbora, čije će se imenovanje vezati za imenovanje postojećih članova.

III

Ova Odluka stupa na snagu danom objavljivanja u „Službenom glasniku Grada Gračanica“.

PREDSJEDAVAJUĆI
GRADSKOG VIJEĆA
Mirzet Topčagić

O B R A Z L O Ž E N J E

Pravni osnov za donošenje Odluke o utvrđivanju prijedloga kandidata za članove Nadzornog Odbora Javnog preduzeća „Vodovod i kanalizacija“ d.o.o. Gračanica sadržan je u odredbama :

Člana 12. stav 3. Zakona o ministarskim, vladinim i drugim imenovanjima F BiH ("Službene novine Federacije BiH", broj 12/03, 34/03 i 65/13), propisano je da nakon što komisija za izbor dostavi prijedlog rang-liste kandidata odgovornom javnom službeniku on će, osim ako ima opravdane razloge (s dokazima koji to potvrđuju) da vjeruje da principi i postupci utvrđeni ovim zakonom nisu ispoštovani ili da bi imenovanje bilo kojeg od kandidata s predložene liste s užim izborom dovelo do sukoba interesa, osigurati da se izvrši konačno imenovanje kandidata koji je prvi na rang-listi u skladu s postojećim zakonima, pravilima i propisima. Ukoliko se ne može izvršiti konačno imenovanje kandidata koji je prvi na listi zbog bilo kojih razloga navedenih u ovom stavu, kandidati koji su rangirani kao sljedeći na listi s užim izborom bit će razmatrani za imenovanje.

Člana 5. stav 5. Uredbe o vršenju ovlaštenja u privrednim društvima sa učešćem državnog kapitala iz nadležnosti Tuzlanskog kantona i općina/gradova na području Tuzlanskog kantona propisano je da na osnovu rang liste kandidata iz stava (4) ovog člana, Vlada Kantona, odnosno općinsko/gradsko vijeće, donosi odluku o utvrđivanju prijedloga kandidata za imenovanje članova nadzornog odbora.

Člana 12. Odluke o utvrđivanju standarda i kriterija za imenovanja na upražnjene pozicije u reguliranim tijelima („Službeni glasnik Općine Gračanica“ broj: 9/09 i 2/12) propisano je da Komisija sačinjava rang listu sa najboljim kandidatima i istu dostavlja Gradonačelniku. Prijedlog rang liste mora biti dovoljno obrazložen. Smatra se da je kandidat koji je prvi na rang listi i kojeg je predložila većina od ukupnog broja članova Komisije najuspješnije prošao otvorenu konkurenciju. Gradonačelnik nakon razmatranja prijedloga rang-liste kandidata u roku od 30 dana donosi odluku o konačnom imenovanju za imenovanja iz njegove nadležnosti, odnosno predlaže rješenje o imenovanju Gradskom vijeću za imenovanja iz nadležnosti Gradskog vijeća.

Člana 16. Statuta Grada Gračanica („Službeni glasnik Grada Gračanica“ broj: 01/23), kojim je propisano da Gradsko vijeće imenuje upravne odbore i nadzorne odbore u javnim preduzećima i javnim zdravstvenim ustanovama čiji je osnivač Grad u skladu sa odredbama zakona iz ove oblasti i odredbama Zakona o ministarskim, vladinim i drugim imenovanjima u Federaciji BiH.

Razlog za donošenje:

Javnim oglasom objavljenog na web stranici Grad Gračanica 01.04.2024. godine, dnevnom listu Oslobođenje 02.04.2024. godine i Službenim novinama FBiH br. 25/24, pokrenuta je procedura za izbor i imenovanje na poziciju člana nadzornog odbora, iz reda državnog kapitala Javnog preduzeća „Vodovod i kanalizacija“ d.o.o. Gračanica do isteka mandata postojećih članova, a iz razloga isteka mandata članu Nadzornog odbora imenovanog na tri mjeseca.

Na Javni oglas pristigle su dvije prijave: Ajdina Topčagića, bakalaureata/bachelora prava iz Gračanice i Harisa Čajića ekonomiste iz Gračanice.

Postupak po Javnom oglasu, provela je Komisija za izbor u sastavu : Dženana Tukulj predsjednik, Aida Hodžić član, Nihada Širbegović član, Mustafa Bajić član i Nihad Sinanović član.

Komisija je konstatovala da su prijave kandidata blagovremene i potpune, te su ušle u užu izbor za intervjuisanje.

Kandidati su prije intervjuisanja potpisali izjave da nisu u sukobu interesa po bilo kojim pitanjima u slučaju da dođe do njihovog imenovanja.

Nakon obavljenog intervjua i na osnovu utvrđenog broja bodova, komisija je predložila rang listu na daljnje razmatranje Gradonačelniku.

R.B.	IME I PREZIME	BODOVI
1.	Ajdin Topčagić	125
2.	Haris Čajić	120

Nakon provedene procedure i u skladu sa naprijed iznesenim, predlaže se Gradskom vijeću da usvoji Odluku u predloženom tekstu.